

## ՀԱՅԿԱԿԱՆ ԿՈՏՈՐԱԾՆԵՐԸ ԱԽԱԼՔԱԼԱՔԻ ԳԱՎԱՌՈՒՄ 1918 ԵՎ 1921ԹԹ. ԱՇՈՏ ՄԵԼՔՈՆՅԱՆ

1917 թ. դեկտեմբերի վերջին և 1918 թ. սկզբին, ոգևորված Անդրկովկասից ռուսական բանակի հեռանալու հանգամանքից, թուրքական հրամանատարությունն սկսեց ակտիվորեն նախապատրաստվել հարձակման: Թուրքերի դրոմամբ աշխուժացան Ախալցխայի և Ախալքալաքի մահմեդականները՝ «մեսխեթցիները»: Նրանք հարձակվեցին Ախալցխա քաղաքի վրա, որի հայ և վրացի բնակչության հերոսական ինքնապաշտպանությունը գլխավորեց երիտասարդ գործիչ, քաղաքագլուխ Ջորի Ջորյանը:

1917թ. վերջին ձևավորվեց Ախալքալաքի Ազգային խորհուրդը, որի ղեկավարությունը ստանձնեց քաղաքագլուխ Մկրտիչ Մարգարյանը: Խորհուրդը ստեղծեց գավառի պաշտպանության ժամանակավոր կոմիտե, որը որոշ աշխատանք կատարեց ակտիվացած մեսխեթցիների սանձարձակությունները զսպելու ուղղությամբ: Ի դեպ, այդ գործում ինչպես Ախալքալաքի, այնպես էլ Ախալցխայի գավառներում հայերն ու վրացիները գործում էին միասնաբար: 1918թ. փետրվարմարտին Ախալքալաքի գավառի հարավ-արևմտյան մասում՝ Հոկան, Խավեթ, Էրինջա գյուղերի թուրքերի դեմ հաջողությամբ համատեղ պայքար էին մղում հայկական Գումբուրդո, Կարծախ, Սուդա, Վաչիան և Կուր գետի ձորում ընկած՝ վրացական գյուղերի բնակիչները: Ախալքալաքի գավառում ձևավորված հայկական ջոկատները կարողացան չեզոքացնել տեղի թուրք-մեսխեթցիների ավազակային գործողությունները և նրանց դուրս մղել մի քանի գյուղերից: Թուրքերի մի զգալի մասը, հիմնականում Կոկիա գյուղի բնակիչներ, փախուստի դիմեց դեպի Արդահան, որտեղ, գրգռելով տեղի մահմեդականներին հայերի դեմ, սադրեցին հայկական կոտորածներ: Երկու հազար արդահանցի կանայք, երեխաներ ու ծերեր, մազապուրծ հասան Ախալքալաքի գավառ, ուր նրանց տրամադրվեց օթևան: Արդահանցի գաղթականների ողբալի վիճակը, թուրքերի կողմից նրանց հարազատների նկատմամբ վայրագությունների մասին լուրերը ջալախքցի երիտասարդներին մղեցին վրիժառության անխռին քայլերի: Տեղի դաշնակցական ու էսեռական մի քանի գործիչների առաջնորդությամբ նրանք բռնություններ կատարեցին տեղի

ՀՈՂՎԱԾ-  
ՆԵՐ,  
ՀԱՂՈՐ-  
ՂՈՒՄՆԵՐ



թուրքերի, այդ թվում՝ հոսսալիս գյուղի բնակիչ, մահմեդականների շրջանում մեծ հեղինակություն վայելող կալվածատեր Պալավանդովների նկատմամբ: Գավառում քրիստոնյա-մահմեդական փոխհարաբերությունները ծայր աստիճան սրվեցին: Տեղական իշխանությունները, Անդրկովկասյան սեյմը, Հայոց և Վրաց ազգային խորհուրդները գործնական քայլեր չկատարեցին Ախալքալաքի և Ախալցխայի գավառներում ազգամիջեր լարվածության բուլանման ուղղությամբ, որն այնքան անհրաժեշտ էր թուրքական զորքերի ներխուժման մախօրյակին: Սեյմը միայն տարբեր ազգերի ներկայացուցիչներից կազմված մի բնիչ հանձնաժողով ուղարկեց տարածաշրջան: Վերջինս էլ ոչ մի շոշափելի արդյունքի չհասավ:

1918 թ. մարտ-ապրիլին Վեհիք փաշայի զորքերի հարձակումից և հատկապես Կարսի մարզի գրավումից հետո, Ախալքալաքի վիճակը խիստ ծանրացավ: Թուրքերի կողմից բռնագրավված տարածքներից նորանոր հայ զաղթականներ հաստատվեցին այստեղ: Ախալքալաքցիները կարողացան բանակցությունների մեջ մտնել թուրքական զինվորականության և Արդահանի մահմեդականների ներկայացուցիչների հետ և Արդահանի ու Օլթի գավառների 1500 հայ բնակիչների՝ հիմնականում կանանց ու երեխաների, փոխանակել իրենց գավառի Կոկիա, Թոք և թուրքական այլ գյուղերի բնակիչների հետ: Վերոհիշյալ դեպքերից հետո, օրեցօր առաջացող օսմանյան զորքերի օգտին Ախալցխայի ու Ախալքալաքի մահմեդականների լրտեսական գործունեությունը նոր աշխուժացում ապրեց:

Հենվելով տեղերում ձևավորված ռազմական, ազգային ու քաղաքացիական մարմինների վրա՝ Թիֆլիսի Հայոց ազգային խորհուրդը, հակառակ Վրաց ազգային խորհրդի ձգտումներին, կարողացավ վիճելի համարվող Ախալքալաքի և Բորչալուի գավառների վրա տարածել իր ազդեցությունը: Շուտով Ախալքալաք ուղարկվեց զնդապետ Առաքելովը, տեղում սկսվեց հայկական կորպուսի առանձին զնդի կազմավորման գործը: Ցավոք, ի տարբերություն Ախալցխայի, Ախալքալաքից հեռացած ռուսական կայագրոն իր հետ տարել էր զինամթերքի մեծ մասը: Ուստի հնարավոր եղավ զինել զնդին զինվորագրվել ցանկացող 5 հազար երիտասարդներից միայն 2 հազարին:

1918 թ. մարտի վերջին Հայոց ազգային խորհուրդը որոշեց դիմել Ալեքսանդրապոլում գտնվող գորավար Անդրանիկի օգնությանը, որը ձեռնամուխ էր եղել նոր գորամասերի կազմավորման գործին: Վերջինս փորձեց իրականացնել այդ խնդիրը: Նա թեև անձանոթ էր Ջավախքին, սակայն տասնամյակներ շարունակ Արևմտյան Հայաստանում կռվել էր ախալքալաքցի ֆիդայիների հետ, սերտ շփումներ ունեցել ծնունդով ախալքալաքցի հայտնի գործիչներ Ռուբեն Տեր-Մինասյանի, Համո Օհանջանյանի, Ռուբեն Դարբինյանի և այլոց հետ, ուստի չէր կարող անտարբեր մնալ ջավախքցիների ճակատագրի նկատմամբ, առավել ևս, որ պաշտպանության տակ վերցնելով Ալեքսանդրապոլ-Ախալքալաք գիծը, կամրապնդվեք հայկական ուժերի աջ թևը և կփակվեին թուրքական զորքերի ուղիները դեպի Լոռի ու Թիֆլիս: Ապրիլի 11-ին, դուրս գալով Ալեքսանդրապոլից, Հայկական առանձին հարվածող զորամասն ուղղություն վերցրեց դեպի Շիրակի հյուսիսային շրջան և հասավ Թորոս գյուղը: Ղազանչիից հետո Անդրանիկի գորագունդն ընդհուպ մոտեցավ Ախալքալաքի գավառին: Նրա հսկողության տակ հայտնվեց Աշոցի սալահարթի զգալի մասը:

Ղազանչի-Շիշթափա (Մեպասար)-Չիֆթի-Բոզլոխուշալի (Մուսայեյան) շրջատարածքը:<sup>2</sup>

Սակայն շուտով թուրքական ուժերի մի զորաջոկատ Ադրբայջի թուրքերի աջակցությամբ հասավ Ախուրյանի ակունքների շրջանը և ամմի-ջական վտանգ ստեղծեց Աշոցքն ու Ջավախքը կապող ճանապարհի համար: Ստեղծված պայմաններում Անդրանիկը ստիպված եղավ հրաժարվել Ախալքալաք անցնելու մտադրությունից և գաղթականների հետ Կարախաչի դժվարանցանելի լեռնանցքով դուրս եկավ Վորոնցովկա (այժմ՝ Տաշիր):

Շիրակ-Աշոցքի գրավումից հետո թուրքական մի զորաջոկատ հարավից շարժվեց դեպի Ախալքալաքի գավառ: Թշնամին Ջավախք ներխուժեց մահ հարավ-արևմուտքից՝ Չղքրի կողմից, 1918 թ. մայիսի 7-ին (20): Ախուրյան գետն անցնելու, Ախալցխա ու Ախալքալաք ներխուժելու թուրքերի հանդուգն ու ինքնագլուխ քայլը խիստ դժգոհություն առաջացրեց անգամ Թուրքիայի դաշնակիցների շրջանում: Մայիսի 15-ին գեներալ ֆոն Լոտովը Բեռլին՝ արտաքին գործոց նախարարությանը, գրում էր. «Մաքուր հայկական մարզեր Ախալքալաքի, Ալեքսանդրապոլի և Երևանի նկատմամբ թուրքերի չափից դուրս պահանջները ցույց են տալիս, որ նրանք ձգտում են գրավել Բրեստի պայմանագրով չնախատեսված մարզեր, շահագործել Կովկասը և իրականացնել հայերի լրիվ ոչնչացումն Անդրկովկասում»:<sup>3</sup>

Ախալքալաքում տեղի բնակչությունից կազմավորված փոքրաթիվ ու վատ զինված ջոկատները Կարծախի մոտ՝ Գյոք Դաղ լեռան շրջանում կարողացան կազմակերպել կարճատև դիմադրություն: Գնդապետ Առաքելովը ճակատ մեկնելու փոխարեն, շարունակում էր ինքնապաշտպանական ուժերի գործողությունները «ղեկավարել» Ախալքալաքից՝ 25-30 կմ հեռավորությունից: Շնորհիվ ռուսական բանակից զորացրված զինվորականներ Լյուդվիգ Դեմիրճյանի, Խորեն Մնոյանի, Ջարմայր Խանոյանի, Թիֆլիսից ծամանած Պողոս Արելյանի, ռուս սպա Ռեզնիկովի խմբերի մղած պաշտպանական ծանր մարտերի, հնարավոր եղավ ապահովել գավառի բնակչության մի մասի արտագաղթը:<sup>4</sup> Վրաց ազգային խորհրդի ենթակայության տակ գտնվող վրացական զորաջոկատն առանց մարտի մեջ մտնելու թողեց ռազմաճակատի գիծը:

Գավառի հյուսիսային գյուղերի բնակչությունը՝ մոտ 40 հազ. մարդ, գաղթեց դեպի Բակուրիան, իսկ հարավայինը՝ 30-35 հազ մարդ, հիմնականում դեպի Ծալկա՝ տեղում թողնելով իր ամբողջ անշարժ գույքը: Չհաջողվեց գավառից դուրս բերել անգամ հարյուր հազարավոր փութ ալյուրը և մինչև 10 մլն. փութ հացահատիկի բերքը:<sup>5</sup>

Այդ օրերին «Հորիզոն» թերթում Արսեն քահանա Բլրցյանը գրում էր. «Թուրքերի թնդանոթների և զնդացիների տարափի տակ, փախստականները չկարողացան իրենց ունեցած ինչքից որևէ բան վերցնել իրենց հետ և ամեն բան թողին գյուղերում: Շատ հայերի գերել են թուրքերը»:<sup>6</sup> Չգաղթեցին միայն թրքախոս հայ կաթոլիկներն ու ռուս դուխոբորները: Այսպես, մինչև մայիսի վերջը, արտագաղթեց ամբողջ Ախալքալաք քաղաքի և 61 հայկական գյուղերի բնակչությունը:

Գավառ ներխուժած թուրք ասկյարներն ու տեղի մեսխեթցիները քաղանեցին գյուղերն ու սրի քաշեցին տեղում մնացած բնակչության մի մասին: Գերի վերցված բնակչության մյուս մասից էլ առանձնացվեցին

աշխատունակ հարյուրավոր տղամարդիկ և արտոբեցին Թուրքիա, իսկ ավելի քան հազար ծեր տղամարդկանց ու կանանց արտոբեցին Բակուրի-ամ՝ զաղթականների ճամբար: Ահավոր աղետի ենթարկվեցին խորենիա և Թախա գյուղերի բնակիչները: Ծալկա անցնելու ճամապարհին, Աբուլ լեռան ստորոտին, մի քանի թուրք լուտենների հաջողվեց անվտանգության երաշխիքների կեղծ խոստումներով համոզել խորենիացիների մեծ մասին՝ 800 մարդու, վերադառնալ գյուղ: Այս ցրանք և Թախա գյուղի 300 բնակիչ, թուրք սակյարների կողմից արգելափակվելով մարագներում, վայրագորեն ոչնչացվեցին:

Թուրքական հրոսակները սպանող կազմակերպեցին մահ Մեծ Արագյալ, Գումբուրդ, Աբուլ, Բեժանո գյուղերում, Ախալքալաք քաղաքում և այլուր: Կոտորածն ավելի մեծ մասշտաբներ կընդուներ, եթե բնակչությունը տեղ-տեղ չլիներ ինքնապաշտպանության: Թշնամին հատկապես համառ դիմադրության հանդիպեց Սաթխա գյուղի մատույցներում:<sup>8</sup> Ջավախքցիների դիմադրությունը կոտրելու համար թուրքերին հարկ եղավ Վրոնցովկայում տեղակայված Կովկասյան 9-րդ հրաձգային գնդի կազմից մոր ուժեր տեղափոխել Ախալքալաքի գավառ:

Բոլորում շրջանում տեղակայված վրացական զորքերի հրամանատար գեներալ Արջևանիձեմ ոչ միայն ռազմական ու նյութական օգնություն ցույց չտվեց հայ բնակչությանը, այլև զինաթափեց զաղթականների վերջին խմբերին ուղեկցելուց հետո, հունիսի 5-ին գավառից դուրս եկած հայ կամավորներին: Ավելին՝ ստանալով Վրաց ազգային խորհրդի կարգադրությունը, մա ախալքալաքի փախստականներին արգելեց տեղավորվել Բակուրիան ավանում, մրանից հյուսիս, հյուսիս-արևմուտք և Վրաստանի այլ շրջաններում: Ջանազան արգելքներ հաղթահարած այն զաղթականները, որոնք հասել էին Թիֆլիս, Նավթլուղ կայարանում շրջապատվեցին վրացական զորքի կողմից և բռնությամբ վերադարձվեցին Ծալկայի շրջանում և Բակուրիանի անտառներում ծվարած մյուս զաղթականների մոտ: Վրաստանի խորքերը տեղափոխվելու արտոնություն ստացան միայն վրացի զաղթականները: Հյուսիսային Կովկաս, հիմնականում՝ Վաղիկավկազ անցած զաղթականների առջև փակվեցին Վրաստան տեղափոխվելու ճամապարհները:

Գավառի գրավումից հետո թուրքական զինվորական հրամանատարությունը հանդես եկավ Ախալքալաքը Անդրկովկասում ստեղծված «Հարավ-արևմտյան թուրքական հանրապետության» մաս ճանաչելու հայտարարությամբ: Գավառի ժամանակավոր կառավարիչ ճշմանակվեց Խոսպիա գյուղից կալվածատեր Յասոն քեկը: Սկսվեց կիսաամայացած ու հայաթափված գավառի ավելի քան վեցամսյա թուրքական տիրապետության մի ծանր ժամանակաշրջան: Թուրքերն սկսեցին բնակավայրերից դուրս բերել տեղում թողնված շարժական գույքը, հայերից ու վրացիներից դատարկված գյուղերը բնակեցնել մահմեդականներով:

Ախալքալաքի զաղթականների վիճակը շարունակում էր վատթարանալ: Նրանք փաստորեն հայտնվել էին յուրատեսակ արգելափակոցում: Դեպի հյուսիս՝ Բակուրիանի ու Բոլորումի բնակավայրերի ճամապարհը փակել էր վրացական զորքը, իսկ ետդարձի ուղին դեպի գավառ՝ թուրքերը:

1918 թ. հուլիսի սկզբին վրաց կառավարությունը մերժեց Հայոց ազգային խորհրդի միջնորդությունները՝ զաղթականներին Վրաստանի խորքերը տեղափոխելու, ինչպես և Բորչալուից հեռացած մահմեդականներ-

րի բնակավայրերում տեղավորելու իրավունք արտոնելու մասին, իր այդ տմարդի քայլը «բացատրելով» համաճարակների տարածումը Վրաստանում կանխելու պատճառաբանությամբ:<sup>10</sup> Վրաց ազգայնական մամուլը ոչ միայն պաշտպանեց իր կառավարության այդ որոշումը, այլև փորձեց Հայոց ազգային խորհրդին, հատկապես նրա դաշնակցական անդամներին մեղադրել վրաց ժողովրդի դեմ նյութած դավերի մեջ: «Էրթոքա» թերթն իր հուլիսի 19-ի համարում այն միտքն էր հայտնում, թե դաշնակցականները, որ արդեն թշնամացրել են հայերին թաթարների դեմ, այժմ էլ ուզում են հայ գաղթականությանը Վրաստան մուտք գործելու հնարավորություն տալով, զանազան համաճարակային հիվանդություններ տարածել վրաց ժողովրդի մեջ:<sup>11</sup> Այս ամենը հնարանք էր: Նախ՝ հունիս-հուլիս ամիսներին գաղթականների մեջ դեռ համաճարակային հիվանդություններ չկային: Դրանք հայտնվեցին ավելի ուշ՝ աշնանը: Այդ պատճառաբանության հիմնավորված լինելու համզամանքն անգամ չէր կարող վրաց իշխանություններին ազատել ախալքալաքցի փախստականների՝ իրենց քաղաքացիների ճակատագրով մտահոգվելու. պարտականությունից: Մինչդեռ, այդ «պարտականության» փոխարեն, գեներալ Արջևանիձեի վերջին ջոկատները հեռացան Ախալքալաքի գավառի հյուսիսային սահմանագծից՝ թուրքական հրոսակներին ու տեղական ավազակախմբերին հնարավորություն ընձեռելով մշտական հարձակումներով նորանոր վնասներ հասցնելու գաղթականներին: Այդ հարձակումների ընթացքում թուրքերը Բակուրիանի գաղթականական ճամբարից առևանգեցին կամ սպանեցին մեծ թվով մարդկանց: Սիսիանական Թելավի, Սիզմախի, Սուրամի և այլ շրջանների իշխանությունները դրդեցին տեղի վրաց բնակչությանը հանդես գալ հայ գաղթականներին իրենց բնակավայրերից վտարելու պահանջով:<sup>12</sup> Հայոց ազգային խորհրդի աջակցությամբ թիֆլիսաբնակ ջավախքցիներից կազմակերպվեց «Ախալքալաքի Հայրենյաց (Հայրենակցական - Ա.Մ.) միությունը», որի վարչության մեջ մտան 10 հոգի, այդ թվում ճանաչված հասարակական գործիչներ Պողոս Աբելյանը (քարտուղար), Բ. Օհանջանյանը (նախագահ), Գր. Պապոյանը (տեղակալ), Հովհաննես Մալխասյանը, Ջալալ Տեր-Գրիգորյանը, Կարապետ Շահպարտյանը: Վարչությունը կոչով դիմեց Թիֆլիսի հայությանը և կարողացավ որոշակի միջոցներ հանգանակել գաղթականների համար: Ախալքալաքի ժամանած ախալքալաքցի գաղթականների պատվիրակության՝ թուրքական հրամանատարությանը ներկայացրած խնդրանքը՝ իրենց հայրենի գավառ վերադառնալու թույլտվություն ստանալու վերաբերյալ, կտրականապես մերժվեց: Թուրքերը, չթաքցնելով Ախալքալաքի գավառը կայսրությանը վերադարձնելու իրենց պլանները, հայտնեցին, որ հայկական գյուղերն արդեն բնակեցված են Թուրքիայից բերված մահմեդական վերաբնակիչներով: Ուշագրավ է, որ Ախալքալաքը հայաթափելու և այն Թուրքիային բռնակցելու իրենց հայակու ծրագրերում երիտթուրքերն այնքան հետևողական էին, որ ախալքալաքցի գաղթականներին հայրենի գավառ վերադառնալու խնդրում անդդրվելի մնացին ոչ միայն հայկական տարրեր կազմակերպությունների, օտարերկրյա քարեգործական հաստատությունների, այլև դաշնակից Գերմանիայի ներկայացուցիչ գեներալ Ֆոն Կրեսսի միջնորդությունների նկատմամբ:<sup>13</sup>

Այսպիսով՝ և՛ վրաց կառավարության, և՛ թուրքական հրամանատարության կողմից որևէ ուղղությամբ տեղաշարժվելու իրավունքից զրկված

ջալախքցի գաղթականները դատապարտվում էին քնաջմբման: Օգոստոս ամսին, երբ դեռ չէին սկսվել ցրտերը, արդեն գաղթականների շրջանում օրական մահանում էր մինչև 100 մարդ: Խոսելով վրացական իշխանությունների նման ամմարդկային վերաբերմունքի մասին, Վրաստանում Հայաստանի ներկայացուցիչ Արշակ Ջամալյանը ցավով նշում էր. «Այս տխուր փաստը հիշատակում ենք ոչ թե մեր ահռելի կորուստների կսկիծը վերաբռնելու համար, այլ որպեսզի ցույց տանք, որ Ժողովրդի հայ բնակիչներին ընկերները... Ախալքալսկի և Հայկական Բորչալուի հայ բնակիչներին հանրապետության բաղադրացի չէին նկատում, այլ անցանկալի եկվորներ, որոնց մասին հոգալը իրենց պարտականությունը չէին համարում»:

Ի պատասխան սեպտեմբերին և հոկտեմբերի սկզբին Հայաստանի կառավարության, Ախալքալսքի Հայրենյաց վարչության (միության) նորանոր քողոք-դիմումներին՝ կամ Վրաստան անցնելու, կամ Ախալքալսք վերադառնալու թույլտվության արտոմման մասին, հոկտեմբերի 4-ին վրացական կառավարության գրասենյակի պետ Կոժուխովը Հայոց գլխավոր գաղթականական խորհրդին պաշտոնական գրությամբ պատասխանեց. քանի որ Վրաստանում ստեղծվել է պարենային ճգնաժամ, իսկ թուրքական հրամանատարությունը հրաժարվում է թույլ տալ Ախալքալսքի հայությանը վերադառնալ հայրենիք, վրաց իշխանություններն առաջարկում են ամենակարճ ժամանակամիջոցում գաղթականությանը տեղափոխել Հյուսիսային Կովկաս կամ Հայաստանի Հանրապետություն:

Գաղթականական խորհրդի նախագահ, Հայ ժողովրդական կուսակցության ղեկավար Սամսոն Հարությունյանի նախաձեռնությամբ հրավիրվեց շտապ խորհրդակցություն, որին մասնակցեցին նաև Վիրահայոց ազգային խորհրդի նախագահության անդամները: Ախալքալսքցիների կողմից միասին հրավիրված Պողոս Աբելյանը հայտնեց, որ ինքը թուրքական առաքելության նախագահ Աբդուլ Ջեբրիմից տեղեկացել է, որ թուրքերը հեռանալու են Ախալքալսքից և դեմ չեն հայերի վերադարձին գալառ, առավել ևս, որ Կ. Պոլսում հայոց պատվիրակությունը (նախագահ Ավ. Ախարոնյան) իր կառավարության հետ այդ հարցում ձեռք է բերել համաձայնություն: Կոժուխովից պահանջվեց թուրքական մերժման պատճենը: Պատասխան չստացվեց: Ակնհայտ դարձավ, որ Վրաստանի կառավարությունը, մեղքը բարդելով թուրքերի վրա, չէր կամենում թույլատրել հայերի վերադարձը: Եվ իրոր, շուտով թուրքական հրամանատարությունը պաշտոնապես հայտարարեց, որ մինչև իրենց գործերի դուրսբերումը, որի համար ժամկետ էր սահմանված մինչև դեկտեմբերի 4-ը, ախալքալսքցի գաղթականներին թույլատրվում է վերադառնալ իրենց բնակավայրերը: Պարզ էր, որ այսպիսի եղանակներով, արհեստականորեն հրապարկում էր գաղթականության տուվախարությունը:

Գաղթականության վիճակը դառնում էր օրհասական. սկսվել էին ցրտերը, ամձրևները, սպառվում էր ամասնագլխաքանակը: Վրացական իշխանությունները Զուրաբիսից, Գորիսից, Բորժոմից եկած հարյուրավոր ավազակների ու սպեկուլյանտների թույլատրեցին չնչին գներով գաղթականներից գնել, առանձին դեպքերում էլ՝ վրացական միլիցիայի օգնությամբ խել տասնյակ հազարավոր գլուխ աճաստուներ: Այս հատուկ քաղաքականության շնորհիվ Վրաստանի կառավարությունը լուծեց իր բնակչության պարենային խնդիրները:

Գաղթականության հոգսերի ողջ ծանրությունը մնաց Հայոց գաղթականական խորհրդի, Ախալքալաքի Հայրենյաց վարչության, Կովկասի հայոց բարեգործական ընկերության, Վրաստանում Ամերիկյան առաքելության, մասամբ նաև՝ Վիրահայոց Ազգային խորհրդի, Հայաստանի ներկայացուցիչ Ա. Ջամալյանի վրա: Հայաստանի անունից Ազգային խորհուրդը նշանակեց մշտական ներկայացուցիչներ՝ Արշակ Թորոսյանին Բակուրիանում, Արարատ Տեր-Գրիգորյանին՝ Շալկայում:<sup>17</sup> Գաղթականներն իրենց կողմից լիազոր նշանակեցին Մեսրոպ քահանա Մելեյանին: Ինչպես վերջինս, այնպես էլ հայկական և ամերիկյան զանազան կազմակերպություններ, անհատներ որոշակի աշխատանք կատարեցին գաղթականությանն օգնելու համար: Սակայն գաղթականության զանգվածն այնքան մեծ էր՝ 80-85 հազ. մարդ, որ կատարված աշխատանքը չէր կարող լինել շոշափելի:

Մինչև 1918թ. դեկտեմբերը բժավոր տիֆն ու խոլերան սկսեցին հնձել գաղթականությանը: Այդ օրերին «Մշակում» տպագրված մի թղթակցությունում Պողոս Աբելյանը գրում էր. «Ախալքալաքցիների բնաջնջումն այնքան աճող է գնում, որ եթե գաղթականներին փրկելու համար ձեռք չառնվին ժամանակի պահանջած միջոցներ, ախալքալաքցիների այս սերունդը կլինի վերջինը երկրագնդի վրա»:<sup>18</sup>

1918թ. հունիսից մինչև նոյեմբեր Բակուրիանի անտառներում գոհվեց ավելի քան 18 հազ. մարդ: Գրեթե նույնքան գոհեր տվեցին Շալկայի և Մանգլիսի շրջաններում ապաստանած հայ գաղթականները: Մինչև հաջորդ գարուն ախալքալաքցի գաղթականների կորուստները հասան 40 հազարի:<sup>19</sup>

1918թ. նոյեմբերից, հաղթահարելով վրաց զինվորական իշխանությունների հարուցած զանազան արգելքները, հաճախ շրջանցիկ ճանապարհներով, գաղթականության բեկորներն սկսեցին վերադառնալ իրենց ավերված ու թալանված բնակավայրերը: Բակուրիանից Ախալքալաք անցնելու թույլտվության դիմաց վրաց զինվորականները գաղթականներից պահանջում էին ստորագրություններ վրացահպատակություն ընդունելու, գավառը Վրաստանի մաս ճանաչելու մասին:<sup>20</sup>

Վերադարձող գաղթականներից կազմված փոքրաթիվ զինված խմբերը, թուրքերի դուրս գալուց հետո, փորձեցին կարգ ու կանոն հաստատել Ախալքալաքում:

Մինչև 1919թ. մարտ ամիսը հայրենի գավառ վերադարձան ախալքալաքցի գաղթականների մնացած բեկորները: Գավառը լիովին թալանված էր, հացահատիկը տարվել էր Թուրքիա: Բարվոք վիճակում էին միայն թրքախոս հայ կաթոլիկների և ռուս դուխոբորների գյուղերը: Ի դեպ, նրանք զգալի օգնություն ցույց տվեցին գաղթականներին ցամաք կազմակերպելու, բնակավայրերը վերականգնելու գործում:

Արդեն հունիսին Հայաստանի կառավարությունը կարողացավ երկաթուղով ստացվող հացահատիկից բաժին հանել ախալքալաքցի սովյալներին: Ստացվող հացահատիկից Ախալքալաքի գավառին բաժին հանելու գործը դրվեց պետական մակարդակի վրա: Թիֆլիսում՝ Հայաստանի ներկայացուցչությունում, ստեղծվեց հատուկ հաստիք խնամատարության գծով, որը զբաղեցրեց Դ. Դավիթխանյանը: Միայն մայիսի սկզբին Հայաստանը Ախալքալաքի սովյալներին հատկացրեց 3 մլն. ռուբլու գումար:<sup>21</sup>

Խիստ պակասել էր անասնապահությանը: Չկային լծկաններ և սերմացու 1919թ. գարնանը ցամաք կազմակերպելու համար: «Եթե ուշանա օգնության գործը, - 1919թ. մարտի վերջին Ախալքալաքից գրում էին «Ջանգ» թերթի խմբագրությանը,- Ախալքալաքի հայ գյուղերի տեղ մենք կգտնենք տվածահիների գերեզմանոցներ»:<sup>22</sup>

1918թ. վերջին սկսված սառնամանիքների պատճառով թուրքերը չէին կարողացել իրենց հետ տանել գալիառում եղած բոլոր անասուններն ու շարժական գույքը: Պողոս Արեւյանը դիմեց Ախալքալաքում գններ ալ- նահանգապետ նշանակված Մակակին՝ խնդրելով այդ մնացած գույքը հանձնել գաղթականությանը: Մակայն Մակակը մերժեց նրա խնդրանքը: Ցավոք, Վիրահայոց ազգային խորհուրդը, որը հատկապես հայ-վրացա- կան պատերազմի շրջանից դարձել էր շատ անդեմ մի մարմին, չաջակցեց Պ. Արեւյանի և հայրենասեր այլ գործիչների մամօրինակ ձեռնարկումնե- րին:

Իր անկման մախօրյակին Վրաստանի դեմոկրատական հանրա- պետության ղեկավարությունը, ինչպես հայտնի է, թուրքերի հետ փորձեց յուրովի «լուծել» Ջավախքի հիմնահարցը: 1921թ. փետրվարի վերջին և մարտի ուկրին Ախալքալաքի գավառը ենթարկվեց նոր սուրհավիրքի՝ քննա- լական թուրքերի հսրծուկմանը: Ներխուժելով Ջավախք՝ թուրքերը, փաս- տորեն, խախտում էին թուրք-վրացական զաղտնի համաձայնագիրը Վրաստանի տարածք (որպեսզի այդ ժամանակ համարվում էր Ախալքա- լաքը) չմտնելու վերաբերյալ: Բայց հիմքեր կան ենթադրելու, որ անկախ Վրաստանի կառավարությունն իր գոյության վերջին օրերին, քաղա- քական նկատառումներով, թուրքերին Ախալքալաքի գավառ մտնելու ար- տոնություն էր տվել՝ նախապես նորից զինաքափելով հայ բնակչությանը:<sup>23</sup>

Թուրքաբնակ Հոկան գյուղի մոլլա Բայրամի և Ջամալ աղայի ուղեկցությամբ Ղումանտար փաշայի զորքն ու թուրքական խուժանը շարժվեցին գավառի հարավային գյուղերի՝ Կարծախի, Մուլդայի, Դադեշի և Գումբուրդոյի վրա: Բազմաթիվ զումբուրդոցիներ, այդ թվում՝ կանայք, ընկան անհավասար մարտում: Թուրքերը Գումբուրդոյում գերի վերցրեցին հարյուրավոր տղամարդկանց, մի մասին սպանեցին Կուրի ձորում, մյուս- ներին, լցնելով ջրհորները, խեղդամահ արեցին: Կոտորածներ եղան նաև գավառի այլ գյուղերում: Այս անգամ գավառի բնակչությունը չգաղթեց: Թուրքերը հանդիպեցին համառ դիմադրության Ալաստան, Մոլիտ, Տա- բաձդուրի և այլ գյուղերի մատույցներում:<sup>24</sup>

1918 և 1921թթ. թուրքական արշավանքների, սովի ու համաճարակ- ների հետևանքով Ախալքալաքի գավառը կորցրեց իր հայ բնակչության 42-45 %-ը: Օրինակ՝ եթե Ախալքալաք բաղաբը 1917թ. ուներ 5070, ապա 1922թ.՝ միայն 2737 բնակիչ:<sup>25</sup> Նույն վիճակն էր նաև գավառի մյուս բնակա- վայրերում:

1918-1921թթ. Ախալքալաքի գավառում վերոհիշյալ ժողովրդագրա- կան գործընթացներն իրենց զգացնել տվեցին դեռ երկար ժամանակ: Պա- տահական չէ, որ խորհրդային իշխանության տարիներին բնակչության որոշակի աճի պայմաններում անգամ, միայն 1960-ական թվականներին Ջավախքի (Ախալքալաքի և Բոգդանովկա-Նինոծմինդայի շրջաններ) բնակչության թիվը հասավ 1917թ. մակարդակին:

# ԾԱՆՈԹԱԳՐՈՒԹՅՈՒՆՆԵՐ

- <sup>1</sup> ՀՀ Նորագույն պատմության կենտրոնական պետական արխիվ (այսուհետև՝ ՀՀ ՆՊԿՊԱ), ֆ. 114, ց.2, ք. 125ա-126 և «Մշակ», 1918, թիվ 81:
- <sup>2</sup> Աղայան Մ. Հայ ժողովրդի ազատագրական պայքարի պատմությունից, Եր., 1976, էջ 598-599: *Այդ օրերին Ջավախքում արդեն համառորեն խոսում էին Անդրանիկի գալստյան մասին:*
- <sup>3</sup> Из истории иностранной интервенции в Армении в 1918 г. Документ — ты, Ереван, 1970, с. 116, Հարությունյան Ա. Հ. Թուրքական ինտերվենցիան Անդրկովկաս 1918 թ. և ինքնապաշտպանական կոիվները, Եր., 1984, էջ 171:
- <sup>4</sup> Թուրքերը, առաջին անգամ Ախալքալաքի գավառ ներխուժելուց մի քանի օր հետո, ձևացրին, թե լուրս են գալիս այնտեղից: Գաղթականների մի մասը հավատաց դրան և ետ վերադարձավ: Մայիսի երկրորդ կեսին թուրքերը նորից մտան Ախալքալաք և կարողացան տիրել գաղթականների ետ քերած գույքի մի մասին, գերել ու ոչնչացնել հազարավոր մարդկանց:
- <sup>5</sup> ՀՀ Պատմության կենտրոնական պետական արխիվ (այսուհետև՝ ՊԿՊԱ), ֆ. 200, ց. 1, գ. 17, ք. 34:
- <sup>6</sup> Արսեն քահանա Բլոցյան. Ախալքալաքի գաղթականությունը, Հորիզոն, 27 հունիս, 1918, թիվ 125:
- <sup>7</sup> ՀՀ ՊԿՊԱ, ֆ. 200, ց. 1, գ. 17, ք. 34-35 և ՀՀ ԳԱԱ Պատմության ինստիտուտի արխիվ (այսուհետև՝ ՀՀ ԳԱԱ ՊԻԱ), Լեռնի անձնական ֆ. 1, ց. 1, գ. 242, ք. 5: Խորենիա գյուղի բնակչության կոտորածի մասին տե՛ս մահ «Հայաստանի Հանրապետություն», 1998, 27 հունիս, էջ 7:
- <sup>8</sup> Սաթխայի ինքնապաշտպանության մասին մանրամասն տե՛ս Սանոսյան Ա. Ախալքալաքի և Ախալքալաքի գավառների 1918 թ. ինքնապաշտպանությունը, Եր., 1992:
- <sup>9</sup> ՀՀ ԳԱԱ ՊԻԱ, Լեռնի անձն., ֆ. 1, ց. 1, գ. 264, ք. 1-2 և ՀՀ ՆՊԿՊԱ, ֆ. 114, ց. 2, գ. 3, ք. 127ա:
- <sup>10</sup> ՀՀ ՆՊԿՊԱ, ֆ. 114, ց. 2, գ.3, ք. 127-127ա:
- <sup>11</sup> «Էրթորա», 19 հուլիս, 1918 և «Հայրենիք», սեպտեմբեր, 1928, էջ 123:
- <sup>12</sup> «Հայրենիք», նույն տեղում:
- <sup>13</sup> Армянский вопрос и геноцид армян в Турции (1913—1919), сборник (составитель, отв. ред., автор предисловия Микаелян В.), Ер., 1995, с. 560—561.
- <sup>14</sup> «Հորիզոն», 30 օգոստոս, 1918:
- <sup>15</sup> «Հայրենիք», ապրիլ, 1928, էջ 90:
- <sup>16</sup> ՀՀ ՆՊԿՊԱ, ֆ. 114, ց. 2, գ. 3, ք. 131-131ա:
- <sup>17</sup> Այս անձնավորություններն ապաշնորհ գտնվեցին իրենց աշխատանքում և յուրացրեցին գաղթականների համար միախառնված օգնության մի մասը (տե՛ս նույն տեղում, ք. 130):
- <sup>18</sup> «Մշակ», 1919, թիվ 14:
- <sup>19</sup> ՀՀ ԳԱԱ ՊԻԱ, Լեռնի անձն. ֆ. 1, ց. 1, գ. 264, ք. 1-2:
- <sup>20</sup> ՀՀ ՆՊԿՊԱ, ֆ. 114, ց. 2, գ. 3, ք. 131ա:
- <sup>21</sup> Վրացյան Ս. Հայաստանի Հանրապետություն, Եր., 1993, էջ 266: 1919-1920 թթ.: Ախալքալաքի հայ և վրաց գաղթականությունը Անդրիկյան օգնության կոմիտեից ստացավ զգալի քանակությամբ հագուստ և 250 հազ. փութ սպիտակ ալյուր (տե՛ս ՀՀ ՆՊԿՊԱ, ֆ. 114, ց.2, գ.3, ք. 132):
- <sup>22</sup> «Ջանգ», 30 մարտ, 1919, թիվ 36:
- <sup>23</sup> ՀՀ ՆՊԿՊԱ, ֆ. 114, ց. 2, գ. 3, ք. 132: Ջավախքի հարցում վրացիների գործելակերպը պատկերավոր է ներկայացված ժամանակի փաստաթղթերում. «Վրաց կառավարությունը իր օրով մեզ ներում էր ըստ ամենայնի, - կարդում ենք Թիֆլիսում

Հայաստանի ներկայացուցչին գրած ջախարքցի մի խումբ մտափորձականների մամակում. - բացի այդ, երբ նրկիրը իրենց էր մնում, գալիս տիրում էին, իսկ երբ բռնորդ էր գալիս, համեմուն էին նրան ու հեռանում...» (տե՛ս ՀՀ ՆՊԿՊԱ, ֆ. 114, ց. 2, գ. 46, ք. 65-66):

<sup>24</sup> Մելքոնյան Ա. Ջախարի գողգոթան, «Ազատամարտ», 24 ամսիկի, 1992, էջ 12:

<sup>25</sup> Նույն տեղում:

## Резюме

Армянские погромы в Ахалкалакском уезде в 1918 и 1920 гг.

Ашот Мелконян

Завоевав Западную Армению и Карсскую область в мае 1918 г. турецкие войска вторглись в Ахалкалакский уезд. Грузинские военные формирования почти без сопротивления оставили уезд. После упорной самообороны население было вынуждено покинуть родной край и переселиться в Бакуринские леса и в Цалку. В результате турецких налетов, голода, эпидемии 35 тысяч ахалкалакских беженцев, из 80 тысяч человек, погибло.

Только в ноябре – декабре 1918 г. беженцам удалось вернуться в освобожденный и обезлюдивший турками уезд.

Ахалкалакские армяне подверглись новым погромам в марте 1921 г. в результате нашествия кемальских турков.

## Summary

Armenian Massacres in Akhalkalak District in 1918 and 1920.

Ashot Melkonyan

Having conquered Western Armenia and the Kars region in May, 1918 the Turkish troops invaded the Akhalkalak district. Georgian military forces left the district almost without any opposition. After determined self-defence the population was forced to leave the native land moving to the Bakurian forests and Tsalka. In the result of Turkish raids, hunger and epidemics out of 80.000 people 35.000 akhalkalakian refugees were killed.

Only in November and December, 1918 the refugees were able to return to the district plundered and deserted by Turks.

In May, 1921 the Armenians of Akhalkalak underwent new massacres as a result of the invasion by Kemalians Turks.